



HAymo in diuinis & humanis literis uir fuit doctissimus, atq; Alcuini Caroli præceptoris quondam auditor. Itaq; ex Fuldensi monacho in Hirsfeldensi monasterio abbas factus est. Erāt tū monasteria uiris eruditis referta, in quibus optima quæq; literæ & meliores artes cum maioribus disciplinis tradebantur. Itaq; ij, qui foeliciores ingenijs erant præditi, sese tum in monasteria conferebant. Postea uerò cum monachi otio essent dediti, Vniuersitates in eorum locum optimo instituto successerunt. Sic Haymo uirtutibus & doctrina insignis, postea in Halberstatensem Episcopum ordinatus est, in eorum numero tertius

existens. nam Carolus magnus ante triginta circiter annos eum Episcopatum in Saxonia fundarat. Huic Ecclesiæ Haymo per annos tredecim præfuit, eamq; uerbo & exemplo strenuè gubernauit. Scripsit autem is plurimos in sacros libros commentarios, utpote in libros quinque Moysis, in Iudicum, Regum, & omnes Prophetas: præterea in Psalmos, Euangelia, & Pauli Epistolas, cum multis alijs de Trinitate, & moribus formandis opusculis utilissimis. Tandem ætate grauis anno octingentesimo tricesimo quarto, sub Ludouico Caroli filio moritur. In Ecclesia S. Stephani Halberstatensi sepultus iacet. Trit. in script. Ecclesiast.